

傷

寒

辯

證

傷寒辯證

卷四

三原 陳堯道 素中著

陽信 勞鳳翔 虞廷訂

傷寒辯證藥方

作方圓必依規矩○治病證必用古方○固也○但古方今
病焉能脗合○是以羅太無曰○以古方治今病○正如拆
舊屋○湊新屋○其材木非一○必再經匠氏之手○故用方
者○務須明其○然○貴○明○其○所○以○然○能○明○其○所○以○然○則

或增或減。或主方。或複方。或以內傷方治外感。或以外感方治內傷。信手拈來。頭頭是道。正許學士所云。讀仲景書。用仲景之法。未嘗守仲景之方。乃爲得仲景之心也。若不明其所以然。而徒守其方。如經生家不能搦管作文。徒記誦先輩名文。以冀場屋題目之必中。奚可哉。是集諸方。人所易曉者。止錄其方。其涉疑難及理趣深奧者。頗采明理論醫方考等書。以闡明之間。附一得之見。誠能潛心於此。製方其無誤乎。抑更有慮焉。仲景曰。病當汗解。診其尺脈濇。當與黃

○耆○建○中○湯○補○之○然○後○汗○之○先○賢○慎○於○用○汗○藥○如○此○故○
○用○方○者○雖○方○與○證○合○又○在○診○脈○並○察○兼○證○以○詳○辯○其○
○虛○實○寧○過○於○顧○護○元○氣○不○可○輕○用○汗○下○之○重○劑○也○

易寒雜證藥方目錄

麻黃湯

桂枝湯

大青龍湯

小柴胡湯

三黃石膏湯

雙解散

人參敗毒散

九味羌活湯

白虎湯

清暑益氣湯

大柴胡湯

五苓散

理中湯

益元散

藿香正氣散

四逆湯

黃芩湯 十七

柴苓湯 十八

葛根湯 十九

大羌活湯 二十

涼膈散 二十一

大承氣湯 二十二

小承氣湯 二十三

調胃承氣湯 二十四

升麻葛根湯 二十五

桃仁承氣湯 二十六

參胡三白湯 二十七

黃連解毒湯 二十八

六味地黃丸 二十九

人參三白湯 三十

人參竹葉湯 三十一

參胡溫膽湯 三十二

小建中湯 三十三

通脈四逆湯 三十四

乾薑附子湯

三十

陽毒升麻湯

三十

黑參升麻湯

三十

大黃散

三十

真武湯

三十

霹靂散

四十

麻黃附子細辛湯

四十

當歸四逆湯

四十

附子湯

四十

甘草附子湯

四十

竹葉石膏湯

四十

補中益氣湯

四十

黃耆建中湯

四十

當歸六黃湯

四十

厚朴

生甘草半人

湯

四十

茵陳五苓散

五十

小半夏茯苓湯

五十

葛根蔥白湯

五十

吳茱萸湯

五十

八物湯

五十

二陳湯

五十

茯苓桂枝甘草

白湯五十

人參養榮湯

五十

加味溫膽湯

五十

普濟消毒飲

五十

增損通聖消毒飲

六十

大陷胸湯

六十

小陷胸湯

六十

枳實理中湯

六十

桔梗枳殼湯

六十

大黃黃連瀉心湯

六十

半夏瀉心湯

六十

附子瀉心湯

六十

生薑瀉心湯

六十

甘草瀉心湯

六十

桂枝人參湯

七十

洋角地黃湯

七十

桂枝加芍藥湯

七十

黃連湯

七十

四逆散

七十

甘葶湯

七十

桔梗湯

七十

參蘇飲

七十

橘皮竹茹湯

七十

小清龍湯

七十

桂枝加厚朴杏仁湯

八十

麻黃杏仁

甘石湯

八十

葛根黃芩黃連湯

八十

五味子湯

八十

蘇沉九寶湯

八十

葛根加柴胡湯

八十

黃芩半夏生薑湯

八十

乾薑黃芩

黃芩湯

八十

白通湯

八十

白通加猪膽汁湯

九十

茯苓四逆湯

九十

梔子豉湯

九十

茯苓甘草湯

九十

炙甘草湯

九十

葛根解肌湯

九十

柴胡桂枝湯

九十

赤石脂禹餘糧湯

九十

桂梗加附子

紅花湯 九十

芍藥甘草湯

九十

導赤散

九十

導赤瀉心湯

一百

知母麻黃湯

一百

大建中湯

一百

桂枝白朮湯

一百

附子防風湯

一百

防風當歸散

一百

黃芩芍藥湯

一百

代抵當丸一百七

失笑散一百八

豬苓湯一百九

茵陳湯一百十

茯苓桂枝甘草大湯一百十一

甘草乾薑湯一百十二

連翹赤小豆湯一百十三

白虎加人參湯一百十四

黃連犀角湯一百十五

雄黃散一百十六

十棗湯一百十七

黃龍湯一百十八

生地黃黃連湯一百十九

烏梅丸一百二十

百合地黃湯一百二十一

麥門冬湯一百二十二

傷寒辨證藥方

麻黃湯一

太陽寒傷、頭痛發熱、腰脊痛、惡寒、無汗、脈浮緊者、麻黃湯主之、

麻黃

去節三錢

桂枝

二錢

甘草

一錢

杏仁

去皮尖一錢八分

右用水二鍾、煎至一鍾、去滓、熱服、衣被覆取汗、

足太陽經起目內眥、循頭背腰膂、故所過痛而不
利、寒邪外束、人身之陽不得宣越、故令發熱、寒邪
在表、不復任寒、故令惡寒、寒主閉藏、故令無汗、人

身之陽既不得宣越於外、則必壅寒於內、故令作喘寒氣剛勁、故令脈緊、麻黃辛溫散寒、故令爲君、佐以桂枝取其解肌、佐以杏仁取其利氣、入甘草者亦辛甘發散之謂、抑太陽無汗麻黃之用固矣、若不斟酌人品之虛實、時令之寒暄、則又有汗多亡陽之戒、汗多者宜撲散、亡陽者宜附子湯、大抵麻黃性熱、惟冬時正傷寒無汗者用之、若春夏不可輕用、誤用麻黃後汗出不止、將病人頭髮披水盆中、外用炒糯米一升、龍骨牡蠣藥本防風各一

兩周身撲之此良法也

桂枝湯二

頭痛發熱汗出惡風脈緩者太陽中風也桂枝湯主之

桂枝

錢三

芍藥

錢三

甘草

錢二

生薑

片五

大棗

擘三枚

右用水二鍾煎至一鍾去滓溫服取微汗徧身縈
縈微似有汗者佳不可令如水淋漓病必不除
風之傷人也頭先受之故令頭痛風爲陽氣亦爲
陽同類相從則傷衛衛氣傷則無以固衛津液故

令汗出、其惡風者、衛不能衛也、其脈緩者、衛氣不能鼓也、桂枝味辛甘、辛則能解肌、甘則能實表、辛甘發散爲陽、故用之以治風、然恐其走泄陰氣、故用芍藥之酸以收之、佐以甘草生薑大棗、此發表而兼和裏之意、然桂枝本爲解肌、若其人脈浮緊、發熱汗不出者、不可與也、與之則表益實而汗益難出矣、故申之以常須識此、勿令誤也、大抵桂枝性熱、惟冬時正傷寒有汗者用之、若春夏不可輕用、酒家亦不可行桂枝湯、

大青龍湯 三

傷寒太陽證見風脈者、大青龍湯主之、

麻黃

錢三

桂枝

錢二

甘草

錢一

杏仁

六枚

湯泡

石膏

錢二

生薑

片五

大棗

一枚

右用水二鍾、煎至一鍾、去滓溫服、溫覆取汗則愈、

青龍者、東方甲乙木神、主發育萬物、方以發散爲義、故名之仲景法、太陽傷寒治以麻黃湯、太陽中風治以桂枝湯、今傷寒太陽證見風脈、是有頭痛身熱、無汗惡寒、但脈來不緊而緩、爲傷寒、且中風

矣。故二方併而用之。風寒外盛。則人身之陽。鬱爲
內熱。此石膏之所以加也。大青龍其發表之重劑。
乎。而亡陽之戒。筋惕肉瞤之弊。則用青龍之過者。
也有此者。急以大溫大補之劑。主之。又仲景救弊
之方也。

小柴胡湯 四

傷寒寒熱往來、脇痛、口苦、脈弦者、此邪在少陽
經、半表半裏之證也、本方主之、

柴胡二錢 黃芩 人參 半夏 製各一錢 甘草 五分

生薑

片三

大棗

枚

右用水二鍾煎至一鍾去滓溫服

邪在表則惡寒邪在裏則發熱邪在半表半裏則惡寒且熱故令寒熱往來少陽之脈行於兩脇故令脇痛其經屬於膽膽汁上溢故口苦膽者肝之府在五行爲木有垂枝之象故脈弦柴胡性辛溫辛者金之味故用之以平木溫者春之氣故就之以入少陽一云專主往來寒熱謂其能升提風木之氣也黃芩質枯而味苦枯則能浮苦則能降君

以柴胡則入少陽矣。一云味苦而不沉，黃中帶青，有去風熱之專功，謂其能散風木之邪也。然邪之傷人，常乘其虛。用人參、甘草者，欲中氣不虛，邪不得復傳入裏耳。一云少陽氣血薄，全賴土膏滋養，則木氣始得發榮。卽經所謂胃和則愈之說，是以中氣不虛之人，雖有柴胡證，具而人參在可去也。邪初入裏，以風寒之外邪，挾身中有形之痰涎，結聚於少陽之本位，所以裏氣逆而煩嘔，故用半夏之辛以除嘔逆。邪半在表，則營衛爭，故用葛棗之

辛甘以和營衛亦所以佐人參甘草以補中氣使
半表之邪仍從肌表面散也。獨怪後世用小柴胡
湯一槩除去。加入耗氣之藥。豈仲景立方本
意哉。

小柴胡證病人或渴或不渴或嘔或不嘔各隨人
之氣體不盡同也。要在隨證以加減之。

仲景加減法

若胸中煩而不嘔者去半夏人參加栝蒌根
若渴者去半夏加栝蒌根
錢二

錢二

若腹中痛者去黃芩加炒白芍藥

錢二

若心下悸動小便不利者加白茯苓

錢三

若脇下痞鞭去大棗加牡蠣粉

錢二

若不渴身有微熱去人參加桂

錢一

溫覆取微汗愈

若欬者去人參生薑加五味子

錢十二

乾薑

分五

近代名醫加減法

若胸膈痞滿不寬或胸中痛或脇下痞滿或脇下

痛去人參加枳殼桔梗

各二錢

名柴胡枳殼湯

若胸中痞滿按之痛者去人參加栝蘆仁

錢二

枳殼

桔梗黃連

各一錢五分

名柴胡陷胸湯

若脈弦虛發熱口渴不飲水者人參倍用加麥門

冬、三、五味子

錢十五粒

名參胡清熱飲又名清熱生

脈湯

若脈弦虛發熱或兩尺浮而無力此必先因房勞

或曾夢遺失精或夢中還不固者加熟地黃

錢二

牡蠣粉

錢一名滋陰清熱飲有咳嗽加五味子

錢十粒

若脈弦虛發熱口乾或大便不實胃弱不實者加

白朮、白茯苓、白芍藥

各一錢五分

名參胡三白湯

若發熱煩渴、脈浮弦而數、小便不利、大便瀉利者、

加四苓散、名柴苓湯、內熱多者、此名協熱而利、

加炒黃連、白芍藥、錢各一腹痛倍用、

若腹痛惡寒者、去黃芩、加炒白芍藥、錢二桂、錢一名柴

胡定中湯

若血虛發熱、至夜尤甚者、加生地黃、四物湯、若口

燥舌乾、津液不足者、去半夏、加栝蒌根、麥門冬、

各一錢五味子、十粒五分

若內熱甚、錯語、心煩不得眠者、加黃連、黃芩、山梔、

各一錢 名柴胡解毒湯

若脈弦長少陽與陽明合病而熱者加葛根二錢

藥一錢五分 名柴葛解肌湯

若脈洪數無外證惡熱內熱煩渴飲水者合白虎湯名參胡石膏湯

三黃石膏湯五

溫病熱病熱毒表裏俱盛五心煩熱兩目如火

鼻乾面赤大渴舌燥者此方主之

石膏二錢 黃芩炒 黃連炒 黃檗 山梔炒 黑各麻一錢

黃 淡豆豉 各一錢

曾經汗吐
下誤治後
熱毒熾盛
不可發汗
不可峻下
大宜此湯

右用水二鍾煎至一鍾去滓溫服一加粳米一撮
寒能制熱故用石膏若能下熱故用芩連梔櫟佐
以麻黃淡豆豉之發散者以溫熱至深表裏俱實
降之則鬱揚之則越鬱則溫熱猶存兼之以發揚
則炎炎之勢皆熅矣此內外分清其勢兵之分擊
者也陽毒傷寒身如塗硃兩目如火燥渴欲死
脈洪大昏不知人亦有錯治諸溫而成此證者緣
其證表裏大熱欲治其內由表未解欲發其表則

裏證又急。庸醫不識。赅起不能措手。待斃而已。殊不知熱在三焦。閉澀經絡。津液枯涸。營衛不通。遂成此證耳。三黃石膏湯主之。

雙解散 六

治溫病熱病表裏大熱

防風 芒硝 連翹 川芎 麻黃 薄荷

白芍藥 當歸 大黃各五分 黃芩 桔梗

石膏各一錢 甘草二錢 荆芥 山梔 白朮各四分

滑石三錢 生薑三片

右用水三鍾煎至一鍾半去滓溫服

防風麻黃以解表荆芥薄荷以清上大黃芒硝以
滌腸胃滑石梔子以通水道石膏桔梗所以清肺
胃之邪而連翹黃芩又所以散諸經之遊火風熱
爲患肝木主之川芎歸芍和肝血以息風熱而甘
草白朮又所以和胃氣以健脾胃土能勝濕熱禦
風火故也方中倍用益元者以伏氣所蒸之濕熱
使半從肌表而泄半從滲道而利也大黃芒硝麻
黃三味對證旋入自利去大黃芒硝自汗去麻黃

此係治溫熱病之主方。若邪在半表半裏，去麻黃，加柴胡、脈弱者，加人參。

按溫病熱病本末身涼不渴，小便不黃，脈不數者，未之有也。故河間以寒證爲雜病，以溫熱病爲汗病。爲大病，特立雙解散，以兩解溫熱病表裏之熱毒，以發明溫熱病與傷寒異治之秘奧。其見高出千古，足以補傷寒論之所不及。且仲景以兩感爲不治之證，傷寒之病兩感者亦少。惟溫病熱病居多，以溫熱咸從少陰發出，太陽卽是兩感，皆是熱。

溫熱痛以
雙解散爲
第一方。傷
寒自有桂
枝湯爲第
一方。看得
明白乃爾。

邪亢極之證除陽證陰脈不治外惟雙解散宣散其表和解其裏表裏並解可以救之傷寒心要以雙解散爲第一方且云此中有古人治傷寒不傳之妙後之學者其甚寶之信乎其可寶之也

人參敗毒散_七

治四時疫癘、頭痛發熱、及風痰咳嗽、風濕身腫等證、

人參 錢一
羌活 錢二
獨活 錢一
前胡 錢一
柴胡 錢二
枳殼 錢一

桔梗 川芎 茯苓 甘草 生薑

右用水二鍾煎至一鍾去滓溫服

羌活獨活柴胡前胡川芎皆清輕開發之劑也故用之以解壯熱用枳殼桔梗者取其清膈而利氣也用人參茯苓甘草者實其中氣使疫毒不能深入也培其正氣敗其邪氣故曰敗毒此湯乃解利太陽少陽陽明三經之藥全在詳證加減以盡其妙

九味羌活湯 八

羌活 一錢
五分 防風 一錢
蒼朮 一錢
有汗川芎 一錢
改用白朮 一錢

白芷

錢一

細辛

分五

生地黄

錢一

者減去之

無熱

甘草

分七

黃芩

錢一

中和者去之

生薑

片三

右用水二鍾煎至一鍾去滓溫服

此湯分經而主治邪在太陽者治以羌活邪在陽

明者治以白芷邪在少陽者治以黃芩邪在太陰

者治以蒼朮邪在少陰者治以細辛邪在厥陰者

治以川芎而防風者又諸藥之卒徒也用生地所

以去血中之熱而甘草者又所以和諸藥而除氣

中之熱也以上九味雖爲一方然亦不可執方當

視其經絡前後左右之不同，從其多少大小輕重之不一，增損用之，其効如神。

白虎湯 九

石膏

錢四

知母

錢二

甘草

錢一

粳米

半合

右用水三鍾，煎至一鍾，濾清服。

白虎，西方金神也。五行之理，功成者退，如秋金之令行，則夏火之炎息。此方名曰白虎，所以行清肅之令而除熱也。續論曰：白虎湯爲熱邪中暍之的方。雖爲陽明解利藥，實解胃本內蒸之熱，非治

在經之熱也。以邪熱傷胃。所以必需。若在經之邪。自有葛根湯等治法。並無藉於石膏也。所以傷寒誤用白虎黃芩熱病誤用桂枝麻黃輕者必重重者必死耳。長沙所主白虎及白虎加人參凡八證皆主熱病煩渴表裏大熱蓋溫病熱病之邪自內出外本非暴感風寒故不宜發汗又熱發於外內邪不實不可峻下故宜此湯及竹葉石膏湯黃連解毒湯選用。

清暑益氣湯

十

長夏濕熱炎蒸、四肢困倦、精神減少、身熱氣高、煩心便黃、渴而自汗、脈虛者、此方主之、

黃耆一錢 人參 白朮土炒 蒼朮泔浸去皮 升麻

神麴炒 陳皮各五分 甘草炙 當歸 麥門冬去心

黃藥鹽酒炒 五味子九粒 葛根 澤瀉

青皮各二分

右水煎徐徐服

暑令行於夏、至長夏則兼濕令矣、故此方兼而治之、暑熱炎蒸、表氣易泄、而中氣者、又為諸氣之原、

黃耆所以實表而固易泄之氣、卽兼當歸以統養
脾之血、白朮神麴甘草所以調中而培諸氣之原、
酷暑橫流、肺金受病、人參五味麥冬一以補肺、一
以清肺、一以收肺、此三物名爲生脈散、以氣虛則
脈虛、傷暑之證、未有脈不虛者、故用補氣之藥以
復脈、經所謂扶其所不勝也、火盛則水傷、故又以
黃檗澤瀉清其化源、液亡則口渴、故又以葛根升
其胃液、清氣不升、升麻可升、濁氣不降、二皮可理、
蒼朮之用爲兼長夏之濕也、

大柴胡湯

傷寒陽邪入裏、表證未除、裏證又急者、此湯主之、

柴胡二錢 黃芩一錢 芍藥一錢 枳實一錢 半夏一錢 大黃二錢

生薑三錢 大棗三錢

右用水二鍾、煎至一鍾、去滓溫服、

表證未除者、寒熱往來、脇痛、口苦、尚在也、裏證又急者、大便難而燥實也、表證未除、故用柴胡、黃芩、以解表、裏證燥實、故用大黃、枳實、以攻裏、芍藥能

和少陽半夏能治嘔逆、大棗生薑又所以調中而和營衛也、少陽寒熱往來六七日、至十餘日、大便不行、腋下少陽部分汗出、方可用大柴胡微利之、緣膽無出入瀉土所以瀉木也、如八九日、腋下無汗、爲膽未實、誤用承氣下之、必犯少陽之本、則胸滿驚煩、小便不利、識語、一身盡重、不可轉側、又宜柴胡龍骨牡蠣湯、

按大柴胡本爲裏證已急而表證未除者立方、若用之以治溫熱病、最爲穩當、百無一失、雙解散麻

黃以發表大黃芒硝以攻裏爲雙解之重劑大柴
胡湯柴胡以解表大黃枳實以和裏爲雙解之輕
劑若內熱甚者合黃連解毒湯或白虎湯以治老
弱及氣血兩虛之溫熱病尤爲得宜

五苓散

十二

治太陽膀胱本熱小便不利發熱口渴

澤瀉

猪苓

各二錢

白朮

茯苓

各二錢五分

桂分

右用水二鍾煎至一鍾濾清溫服

按傷寒論曰太陽病發汗後若脈浮小便不利微

熱消渴者。五苓散主之。又曰。多飲暖水。汗出愈。成
註曰。桂枝之辛甘。以和肌表。脈浮者。表未解也。微
熱消渴者。熱未成實。上焦燥也。與五苓散生津液。
和表裏。五苓散本兩解表裏之藥。今之知用桂枝
者鮮矣。殊不知欲兼治表。必用桂枝。專用利水。則
宜肉桂。以肉桂辛熱。能引諸藥直達熱邪畜結之
處。故茯苓豬苓味淡。所以滲水滌飲也。澤瀉味鹹。
所以泄腎邪止渴也。白朮味甘。所以燥脾逐濕也。
兼以桂有化氣之功。如經曰。膀胱者。州都之官。津

液藏焉。氣化則能出矣。濁陰既出下竅。則清陽自出上竅。又熱隨溺而泄。則發熱口渴之證不治自愈。

理中湯 十三

太陰自利不渴。寒多而嘔。腹痛鴨溏。此太陰有真寒也。本方主之。

人參 二錢
甘草 五分
白朮 二錢
乾薑 二錢

右用水二鍾。煎至一鍾。去滓溫服。

太陰者脾也。自利渴者爲熱。不渴者爲寒。脾喜溫。

而惡寒、寒多故令嘔、寒者肅殺之氣、故令腹痛、鳴
澹亦虛寒所致、病因於寒、故用乾薑之溫、邪之所
湊、其氣必虛、故用人參、白朮、甘草之補、

益元散 十四

中暑身熱、煩渴、小便不利者、此方主之、

滑石

六兩 白
膩者 甘草一兩

右爲細末、每服三錢、冷水、或冷飲調下、

直格曰、此藥是寒涼解散熱鬱、設病甚不解、多服、
無害、但有益耳、又曰、夫傷寒當汗、則不可下、當

下則不可汗。且如誤服此藥。則汗自不出。而裏熱亦獲有效。亦有裏熱。便得宣通而愈者。或半在表。或半在裏。可和解而不可吐下發汗者。若服此藥。多愈。或不愈。亦小減。

按河間謂服益元散。有益無害。亦曾用之。有驗。大抵是治溫病熱病耳。其怫熱自內而達表。故宜寒涼蕩滌其熱。至於正傷寒。還須叅之脈證。不可輕用。

藿香正氣散

汁五

治四時不正之氣、挾食及瘴濕、內傷外感而成

霍亂

廣藿香葉

一錢五分

白朮

厚朴

薑製

白芷

陳皮

半夏

薑製各九分

茯苓

桔梗

各一錢

大腹皮

薑湯泡洗

紫蘇葉

各一錢

甘草

炙五分

生薑

三片

大棗

一枚

右用水煎、去滓溫服

內傷者、調其中、藿香白朮茯苓陳皮甘草半夏厚朴桔梗大腹皮皆調中藥也、調中則能正氣於內矣、紫蘇白芷疏表藥也、疏表則能正氣於外矣、若

使表無風寒二物亦能發越脾氣故曰正氣此方專治傷食傷冷中暑霍亂及不習水土寒熱作瘧並宜增損用之非正傷寒之藥若病在太陽頭痛發熱骨節痛者此方全無相干如妄用之先虛正氣逆其經絡雖出汗亦不解無益而有害按霍亂之爲病多緣飲食不節之所致大抵有寒有熱宜辯明用藥如身熱氣壯脈有力此熱霍亂也用地漿湯益元散便可取効若用正氣散可加酒炒苓連如身不熱氣餒脈無力此寒霍亂也宜

用理中湯。若用正氣散。可加乾薑。甚者加桂附。愚
於長夏用桂附治寒霍亂得愈者。不知幾多人矣。
有謂霍亂有熱而無寒者。誤也。

四逆湯 十六

太陰自利不渴。陰證脈沉身痛。與夫厥逆下利。
脈不出者。此方皆主之。

附子 生用 二錢 乾薑 二錢 甘草 錢二

右用水二鍾。煎至一鍾。去滓溫服。一云宜涼服。經
曰。治寒以熱。涼而行之。否則戴陽者反增上燥耳。

自口鼻出血者有之矣可不慎哉

此方通治三陰脈沉惡寒手足逆冷之證故取附子之生者上行頭項外徹肌表以溫經散寒乾薑亦用生者以內溫藏府甘草獨用炙者以外溫營衛內補中焦也 瓊言曰仲景云病發熱頭痛脈反沉若不瘥身體疼痛者當救其裏宜四逆湯此證出太陽篇又云少陰病始得之反發熱脈沉者麻黃附子細辛湯此證出少陰篇竊詳太陽病發熱頭痛法當脈浮今反沉少陰脈沉法當無熱今

反熱仲景於此兩證各言反者謂反常也。蓋太陽病脈似少陰。少陰病似太陽。所以謂之反而治之。當異也。今深究其旨。均是脈沉發熱。以裏有頭痛。故謂太陽病。陽證當脈浮。今反不浮者。以裏虛久寒。正氣衰微所致。又身體疼痛。故宜救裏。使正氣內強。逼邪外出。而乾薑生附子亦能出汗而解。假使裏不虛寒。則當見脈浮。而正屬太陽。麻黃證也。均是脈沉發熱。以其無頭痛。故名少陰病。陰病當無熱。今反熱。寒邪在表。未傳在裏。但皮膚腠理。

鬱閉爲熱。知在裏無熱。故用麻黃細辛以發表。問
之熱。附子以溫少陰之經。假使寒邪入裏。則外必
無熱。當見吐利厥逆等證。而正屬少陰四逆湯證。
也。由此觀之。表邪浮淺發熱之反。猶輕。正氣衰微。
脈沉之反。爲重。此四逆爲劑。不爲不重於麻黃附
子細辛湯也。又可見熟附配麻黃。發中有補。生附
配乾薑。補中有發。此實證治之奇異。製方之精微。
學者其致思焉。

黃芩湯

太陽與少陽合病、必自下利者、此方主之、

黃芩

錢三

炙甘草

錢二

芍藥

錢二

棗

一枚

擘

右用水煎、去滓溫服、

太陽與少陽合病者、有太陽證、頭痛身熱、脊強、而又有少陽證、耳聾、脇痛、寒熱往來、嘔而口苦也、必自下利者、表實裏虛、邪熱漸攻於裏故也、若太陽與陽明合病、自下利、爲在表、當與葛根湯發汗、陽明與少陽合病、自下利、爲在裏、可與承氣湯下之、此太陽少陽合病、自下利、爲半表半裏、非汗下所

宜故與黃芩湯師曰虛而不實者苦以堅之酸以收之故與黃芩芍藥以堅斂腸胃弱而不實者甘以補之故用甘草大棗以補益腸胃溫病熱病始發即可用黃芩湯去熱爲主傷寒傳至少陽熱邪漸次入裏方可用黃芩佐柴胡和解之此溫熱病與傷寒異治之大要也

柴芩湯 十八

小柴胡湯合五苓散

此藥惟表證不治邪傳半表半裏及內傷發熱雜

病發熱無不治之

葛根湯 十九

傷寒二三日、標熱壯熱、頭額痛、鼻乾、目痛、不得臥、無汗、尺寸脈俱長、或太陽陽明合病、無汗惡風、脈浮而長、並此方主之、

葛根

四錢

麻黃

三錢

桂枝

二錢

芍藥

二錢

甘草

一錢

生薑

五片

大棗

二枚

右用水二鍾、煎至一鍾、去滓溫服、取微汗、

太陽與陽明合病、必自下利、下利裏證也、今之庸

醫者曰漏底傷寒不治仲景則以此方主之蓋以邪氣併於陽則陽實而陰虛陰虛故下利也與此湯以散經中表邪則陽不實而陰氣平利不止而自止也斯妙也惟明者知之

大羌活湯 二十

傷寒兩感者此方主之

羌活錢一獨活錢一防己酒洗防風 黃連酒洗黃芩酒炒

蒼朮酒浸白朮 川芎 細辛 甘草炙各六分

生地黃三錢知母一錢五分生薑三片大棗二枚

右水煎熱服

凡兩感之證、欲汗之則有裏、欲下之則有表、表裏不能一治、故內經仲景皆稱必死、而無治法、易老意曰、證雖有表裏之殊、而無陰陽之異、傳經者皆爲陽邪、一於升陽散熱、滋養陰藏、則感之淺者、尙或可平、經曰氣薄則發泄、故用羌活獨活、防風蒼朮、細辛、川芎之氣薄者、以升發其傳經之邪、又曰寒勝熱、故用黃連、黃芩、生地、知母之苦寒者、以培養其受傷之陰、以升散諸藥、而臣以寒涼、則升者

不峻以寒涼諸藥而君以升散則寒者不滯白朮
甘草脾家藥也用之者所以益其脾胃而建中營
之幟爾嗚呼於不可治之中而求爲可治之策大
羌活者其萬死一生之藥乎陶節菴去防己二
朮連知加柴胡白芷石膏黑豆兩感有表裏之殊
無陰陽之異傳經者皆爲陽邪一於升陽散熱滋
養陰藏則感之淺者或可平此方較易老爲優
按傷寒病兩感者極少惟溫病熱病怫熱自內而
達於外兼見表證卽是兩感內經仲景皆稱必死

故河間以爲汗病大病特立雙解散等方以兩解溫熱病表裏兩感之熱毒藥味專精非大羌活等所可望其萬一也

涼膈散 二十

火鬱上焦大熱面赤者此方主之

黃芩酒炒 梔仁炒 薄荷 連翹 大黃酒浸

芒硝各二錢 甘草五分

右用水二鍾煎至八分次下芒硝去滓溫服原作末湯調下五錢

黃芩、梔子、味苦而無氣，故瀉火於中；連翹、薄荷、味薄而氣薄，故清熱於上；大黃、芒硝、鹹寒而味厚，故諸實皆瀉之。用甘草者，取其性緩而戀膈，也不作湯液而作散者，取其泥膈而成功於上也。

調胃承氣湯二十

傷寒陽明證，俱不惡寒反惡熱，大便秘，譫語脈實者，此方主之。

大黃

三錢酒浸

芒硝

二錢

甘草

一錢

右用水二鍾煎至一鍾，去滓溫服。

小承氣湯

三二十

傷寒腹脹滿潮熱狂言而喘此方主之

大黃

錢四

厚朴

錢一

枳實

錢一

右用水二鍾煎至一鍾去滓溫服

大承氣湯

四二十

傷寒胃實譫語五六日不大便腹痛煩渴及少

陰口燥咽乾日晡發熱三焦邪盛此方主之

大黃

酒洗錢四

芒硝

錢二

厚朴

錢二

枳實

錢一

右用水二鍾煎至一鍾去滓溫服

海藏云。仲景承氣湯。有大小調胃之殊。今人以三一承氣。不分上下。緩急用之。豈不失仲景本意。大熱大實。用大承氣。小熱小實。用小承氣。實熱尚在胃中。用調胃承氣。以甘草緩其下行。而祛胃熱也。若病大用。小則邪氣不伏。病小用。大則過傷正氣。病在上而用急下之劑。則上熱不除。豈可一槩混治哉。

升麻葛根湯

二十五

傷寒傳陽明。經身熱。目痛。鼻乾。不得臥。若無汗。

尚惡寒者此方主之、並治小兒瘡疹、四時疫癘、

升麻

葛根

白芍藥

甘草

各二錢

右用水二鍾、煎至一鍾、去滓溫服、

桃仁承氣湯

二十

傷寒外證已解、小腹急、大便秘、小便利、其人如狂者、畜血也、此方主之、

桃仁

十枚

桂

甘草

各一錢

大黃

二錢五分

芒硝

一錢五分

右用水二鍾、煎至一鍾、去滓、內硝煎一二沸、溫服、

外證已解者、無頭痛發熱惡寒也、小腹急者、邪在下焦也、大便黑者、瘀血漬之也、小便利者、血病而氣不病也、上焦主陽、下焦主陰、陽邪居上焦者、名曰重陽、重陽則狂、今瘀熱客於下焦、下焦不行、則干上部清陽之分、而天君弗寧矣、故其證如狂、桂枝辛物也、能利血而行滯、君以桃仁硝黃、則入血而助下行之性矣、

參胡三白湯

二十
七

● 治傷寒過經不解、脈虛數、人弱發熱、或潮熱、口

乾舌燥

人參一錢五分

白朮一錢五分

柴胡二錢

白芍藥

白茯苓各一錢五分

右用水二鍾煎至一鍾去滓溫服若脈微弱口渴心煩不安加麥門冬五味子若心煩熱口苦心下痞加黃連枳實若不得眠加竹茹

黃連解毒湯二十

治大熱乾嘔譫語呻吟不眠

黃連二錢

黃芩

黃檗

梔子

各一錢

右用水二鍾煎至一鍾去滓溫服

六味地黃丸料

二十

熟地黃

自製者
四錢

山茱萸

一錢
山藥一錢

白茯苓

一錢

牡丹皮

一錢
澤瀉五分

右用水煎服

人參三白湯

三十

治汗下後虛弱少氣發熱口燥

即參胡三白湯去柴胡

人參竹葉湯

三十

治傷寒過經煩熱不解

人參

二錢

竹葉

十四葉

麥門冬

一錢五分

甘草

一錢

黃芩

一錢

柴胡

二錢

右用水二鍾煎至一鍾去滓溫服

參胡溫膽湯

三十

治傷寒過經不解嘔而痞悶

人參

柴胡

茯苓

橘皮

各一分

錢

甘草

六分

半夏

薑製

枳實

各一錢

生薑

三片

右用水煎溫服

之則散爲無根之脈。以此湯加人參治之。

乾薑二錢
附子三錢

右用水煎服

按此卽四逆湯減去甘緩之甘草。其爲回陽重劑。可知。若加增藥味。反牽制其雄悍之力。必致迂緩。無功。陽回卽可用平補藥。陽旣安堵。卽宜休養。其陰切勿過用辛熱。轉生他患也。

陽毒升麻湯三十

治傷寒一二日便成陽毒。或服藥後變成陽毒。

煩悶不安、面赤、狂言奔走、或見鬼、或下利、脈浮大數、面赤斑斑如錦紋、咽喉痛、下膿血、五日可治、七日不可治、

升麻

一錢五分

犀角

鎊

射干

黃芩、人參

甘草

各八分

右用水二鍾、煎至一鍾、去滓溫服、

黑參升麻湯

三十

治陽毒咽痛、或發斑、

黑參

升麻

各一錢五分

甘草

八分

右用水煎去滓溫服一方加桔梗

大黃散

三十
八

治陽毒傷寒未解熱在內恍惚如狂

大黃

二錢

桂心

六分

甘草

炙

芒硝

大腹皮

木通

各一錢

桃仁

七枚

右用水煎服以利爲度

真武湯

三十
九

傷寒發汗過多其人心下悸頭眩身瞤振振欲
擗地此方主之及陰證脈沉身痛少陰腹痛

小便不利

附子

錢二生薑

錢三

白朮

錢一

茯苓

芍藥

各二錢

右用水二鍾煎至一鍾去滓溫服

汗多而心下悸此心亡津液腎氣欲上而凌心也
頭眩身瞶振振欲擗地此汗多亡陽虛邪內動也
真武北方之神司水火者也今腎氣凌心虛邪內
動有水火奔騰之象故名此湯以主之茯苓白朮
補土利水之物也可以伐腎而療心悸生薑附子
益衛回陽之物也可以壯火而祛虛邪芍藥之酸

收陰氣也可以和營而生津液用芍藥者以小便不利則知其人不但其陽不足其陰亦已素虧若不用芍藥固護其陰豈能勝附子之雄悍乎

霹靂散 四十

治陰盛格陽身冷脈沉燥渴欲飲水而不能飲

附子

炮去皮臍爲末用五錢

真蠟茶

一錢五分同研

右分二服水煎去滓入蜜少許放冷服之須臾躁止得睡汗出卽瘥

麻黃附子細辛湯 四十

少陰病始得之反發熱脈沉者此方主之

麻黃

細辛

附子

各二錢

右用水二鍾煎至一鍾去滓溫服

病發於陰者當無熱。今少陰病始得之。何以反發熱也。此乃太陽經表裏相傳之證故耳。蓋太陽膀胱經與少陰腎經相爲表裏。腎經虛則太陽之邪由絡直入腎藏。餘邪未盡入裏。故表有發熱。真寒入腎。故裏有脈沉。有太陽之表熱。故用麻黃以發汗。有少陰之裏寒。故用辛附以溫中。三陰之表法。

與三陽不同三陰必以溫經之藥爲表故麻黃與
附子合用方是少陰表法之正也
按傷寒兩感爲少此卽太陽少陰之兩感也麻黃
附子同劑治法委是奇特學者可以綱領而長之
且傷寒兩感宜麻黃附子細辛湯此仲景治法溫
病熱病兩感宜雙解散此河間補仲景之治法二
方者正傷寒與溫熱病異治之大例也從此研究
治傷寒其庶幾乎

當歸四逆湯

四十

治手足厥寒脈細欲絕

當歸

桂枝

芍藥

細辛

各一錢

甘草

通草

各七分

大棗

十二枚

右用水二鍾煎至一鍾去滓溫服

手足厥寒脈細欲絕似乎陰寒之極蓋緣陽邪流

入厥陰營分以本虛不能作熱故脈細欲絕也此

謂陰

也陰經

鬱陽邪故用桂枝細辛以解表芍藥甘

草以泄熱當歸以和厥陰之營血通草以通太陽

之本使陽邪得從外解本非治陰寒四逆之藥也

故藥中宜歸芍以濟陰。不宜薑附以劫其陰。證固手足厥寒。脈細欲絕。設其人陰血更虧於陽。不能勝辛熱者。又宜當歸四逆和營透表。兼疏利膀胱。是證也。自表入裏。雖日傳至厥陰。始終只是陽證。與寒邪直中三陰不同。故不用薑附輩。而用桂枝湯加當歸。細辛通草。爾明者自得之。按細辛爲少陰經藥。隨桂枝湯以解表。加當歸以和營血。至於通草。甘淡微寒。能泄丙丁。能通水道。爲虛寒者禁用。此湯治法。本是和營血以復脈。使

細辛治邪
在裏之表
故伸景少
陰證用麻
黃附子細
辛湯

陽邪得從肌表而散。或從膀胱而泄也。若循其名以治陰寒之四逆。則謬甚矣。觀於論曰。若其人素有久寒者。宜當歸四逆湯。加吳茱萸。生薑湯主之。正如四逆散本以散傳經之熱邪。腹中痛者。方加附子。則當歸四逆湯。非治陰寒四逆之藥也。明矣。再按有等固守王道之醫。辯證不明。遇有厥逆脈細之證。不敢用薑附等藥。但曰用當歸四逆湯。極為穩當。殊不知當歸四逆湯。本桂枝湯全方。加細辛。通草。當歸耳。細辛隨桂枝湯。止能解表。通草又

爲疏泄最有力之藥當歸一味果足以治陰寒四逆耶藥不對證果可謂之穩當耶甚矣其不明於製方之理而以舛劑誤病也愚所云用方貴明其所以然者正此之謂也

附子湯

三四十

少陰病、口中和、背惡寒者此方主之、少陰病、身體痛、手足寒、骨節痛、脈沉者亦此方主之

人參

錢一

白芍藥

白朮

茯苓

附子

生用各二錢

右用水二鍾煎至一鍾去滓溫服

傷寒以陽爲主。上件病皆陰盛幾於無陽矣。辛甘皆陽也。故用附朮參苓以養陽。辛溫之藥過多則恐有偏陽之弊。故又用芍藥以扶陰。經曰火欲實水當平之。此用芍藥之意也。

甘草附子湯

四

治風濕小便不利大便反快

甘草

炙

附子

各一錢

白朮

桂枝

各一錢五分

右用水二鍾煎至一鍾去滓溫服

論曰風濕相搏骨節煩痛掣痛不得屈伸汗出短

氣小便不利惡風不欲去衣微腫者此湯主之
註曰桂枝甘草之辛甘散風邪而和衛附子白朮
之辛甘解濕氣而溫經

竹葉石膏湯

四十

治陽明汗多而渴、而渴欲飲水、水入即吐、並
傷寒解後虛羸少氣氣逆欲吐

竹葉

二十

麥門冬

人參

各一

甘草

四分

石膏

二錢

半夏

八分

粳米

一撮

右用水二鍾煮米熟去滓溫服

補中益氣湯

四十

人參

一錢

甘草

炙三分

黃耆

炙一分

錢

當歸

白朮

炒

陳皮

各五分

柴胡

五分

升麻

三分

右用水煎服

丹溪以四時感冒、通宜補散、故用補中益氣湯、加

減治療

黃耆建中湯

四十

治傷寒汗出惡風、微惡寒者、表未解也、並治衛

虛不能作汗、虛勞裏虛諸不足

黃耆一錢五分 芍藥二錢 桂枝一錢 甘草六分 生薑五片

棗二枚 錫糖五錢

右水煎去滓溫服

當歸六黃湯四十

治陰虛盜汗

當歸 生地黃 熟地黃 黃芩 黃連

黃芩各等分 黃耆倍用

右用水煎去滓溫服

厚朴 生薑 甘草 半夏 人參湯四十

陽明病中寒不能食、小便不利、手足澀然、汗出者、此欲作痼瘕、大便必初鞭後溏、此胃中虛冷、水穀不別故也、痼瘕者、寒氣結而爲積也、此方主之、

厚朴

三錢

甘草

一錢

半夏

一錢

人參

七分

生薑

五片

右用水二鍾、煎至一鍾、去滓溫服、

茵陳五苓散

五十

治頭汗出發黃

五苓散

三錢

茵陳蒿

二錢

右用水煎去滓服

小半夏茯苓湯

一五十

治心下滿頭汗出水結胸

半夏

錢三

赤茯苓

錢二

右用水煎去滓入薑汁二茶匙溫服

葛根蔥白湯

二五十

治頭痛衄血

葛根

芍藥

知母

川芎

錢各一

生薑

三片

蔥白

寸五

右用水煎去滓溫服

吳茱萸湯 五十

治厥陰頭痛嘔而吐沫少陰犯真寒吐利手足

厥冷煩躁欲死

吳茱萸 湯泡去苦水 生薑 各三錢 人參 一錢 棗 一枚

右用水煎去滓溫服

厥陰者肝也寒氣內格故嘔而吐沫厥陰與督脈會於巔故頭痛少陰犯真寒者足少陰腎藏中寒則上格乎陽而為吐經曰腎通二便腎寒則大便

不禁而爲利手足得陽而溫受寒於內者內有陰寒故令手足厥冷煩躁者陰盛格陽故令陽煩而陰躁斯其證亦危矣故欲死吳茱萸辛熱而氣厚專主開豁胸中逆氣經曰氣爲陽氣厚爲陽中之陽故能走下焦而溫少陰厥陰佐以生薑散其寒也佐以人參大棗補中虛也

八物湯

五十

治氣血兩虛頭痛

人參 白朮 白茯苓 當歸 川芎 白芍

熟地黃 甘草 炙

右用水煎去滓服

二陳湯 五十

治痰證頭痛

半夏 陳皮 茯苓 甘草

右用水煎去滓服

茯苓 桂枝 甘草 白朮 湯 五十

治筋惕肉瞤兼肢冷

茯苓 三錢 桂枝 一錢 甘草 一錢 白朮 各一錢

右用水煎去滓溫服

陽不足者補之以甘、茯苓、白朮生津液而益陽、裏氣逆者散之以辛、桂枝、甘草行陽散氣、

人參養榮湯

五十

治傷寒汗下後筋惕肉瞤

人參

黃耆

炙

陳皮

白芍藥

酒炒

當歸

酒洗

甘草

炙

白茯苓

五味子

研

遠志

白朮

炒

桂心

熟地黃

右用水煎去滓溫服

加味溫膽湯

五十一

治傷寒汗後虛煩不眠、筋惕肉瞤、並治過經不解、嘔而痞悶、

人參

茯苓

橘皮

甘草

炙

半夏

薑製

枳實

熟地黃

酸棗仁

遠志

去心

五味子

生薑

三片

右用水煎去滓溫服

普濟消毒飲

五十九

治天行大頭疫癰、

柴胡

一錢二分

黃連

酒炒

黃芩

酒炒

黑參

連翹

鼠粘

子炒升麻 白芷 桔梗 甘草 馬勃各一錢

殭蠶炒七分 板藍一錢如無青黛代之 一方無白芷有人

參陳皮 氣虛脈弱加人參 薛立齋曰仍當固

胃氣便秘加酒大黃

右用水煎去滓食後徐徐服

增損通聖消毒散 六十

凡頭面腫盛日不開鼻塞悶口乾舌燥內外有熱或咽喉腫痛不利或裏實大便秘結其脈洪數者此方主之

防風 荆芥 連翹 川芎 芍藥 當歸

薄荷 黃芩 酒炒 山梔 炒 消石 石膏 桔梗

芒硝 內虛食少者不用 大黃 酒浸便瀉者不用 麻黃 自汗者不用

甘草 牛旁子 炒

右用水煎去滓緩服 加入中黃尤妙

麻黃防風疏表藥也、熱毒之在表者由汗而泄、大黃芒硝攻裏藥也、熱毒之在裏者由下而泄、荆芥薄荷清上藥也、熱毒之在巔頂者由鼻而泄、滑石梔子清下藥也、熱毒之在決瀆者由溺而泄、乃石

膏桔梗又所以清肺胃而連翹黃芩又所以去諸經之客熱也熱毒灼其血則川芎當歸芍藥可以養之熱毒傷其氣則白朮甘草可以益之此通聖散之治法去白朮加牛蒡子蓋清咽喉消腫之急治也

大陷胸湯

六十

治大結胸手不可按

大黃

三錢

芒硝

二錢

甘遂末

二分

右用水二鍾先煎大黃至一鍾去滓內芒硝煎一

兩沸內甘遂末和勻服得利則止

小陷胸湯

六十

治小結胸、手按而痛、

黃連

一錢五分

半夏

三錢

栝蒌實

四錢

右用水二鍾、先煎栝蒌實至一鍾、內諸藥煎八分、

去滓溫服、

枳實理中丸

六十

治寒實結胸、

枳實

乾薑

白朮

甘草

人參

各一兩

茯苓一兩

右爲細末、煉蜜丸如雞子黃大、以熱湯化服一丸、如腹中熱、則胸中豁然矣、腹中未熱、益至二三丸、然不及湯服更好、脈沉寒甚者、須加附子、

桔梗枳殼湯

六十

治痞證胸滿不痛、

桔梗

枳殼

各三錢

右用水二鍾、煎至一鍾、去滓溫服、

大黃黃連瀉心湯

六十

治心下痞。按之濡。其脈關上浮。

大黃

三錢

黃連

一錢五分

右二味以麻沸湯漬之。須臾絞去滓。溫服。

活人書云。湯液論有黃芩。共三味。今無者。恐傳寫之訛也。又保命集無黃芩。有甘草。

李時珍曰。仲景治心下痞滿。按之軟者。用大黃黃連瀉心湯。此亦瀉脾胃之濕熱。非瀉心也。病發於陽而反下之。則作痞滿。乃寒傷榮血。邪氣乘虛結於上焦。胃之上脘在於心。故曰瀉心。

半夏瀉心湯

六十

治傷寒誤下過蚤遂爲心下痞滿而鞭不痛者

半夏

一錢五分

乾薑

一錢五分

甘草

一錢五分

人參

一錢五分

黃芩

一錢五分

黃連

一錢五分

棗

二枚

右用水二鍾煎至一鍾去滓溫服

附子瀉心湯

六十

治心下痞而復惡寒汗出者

大黃

二錢

黃連

各一錢

黃芩

各一錢

附子

泡去皮二錢

另煮取汁
拓四味切咀以百沸湯一鍾乘熱漬之一時許

殺出津內附子汁溫服。

心下痞。故用三黃以瀉痞。惡寒汗出。故用附子以回陽。無三黃則不能去痞。熱無附子恐三黃益損其陽。熱有附子寒有三黃。寒熱互用。斯爲有制之兵矣。仲景誠醫家之善將將者也。俗醫用寒則不用熱。用熱則不用寒。何異於膠柱而調瑟乎。

續論曰。按瀉心湯諸方。皆治汗下後表解裏未和之證。其生薑甘草半夏三瀉心。是治痰濕結聚之痞方。中用半夏生薑以滌痰飲。黃芩黃連以除濕。

熱人參甘草以助胃氣。乾薑炮黑以滲水濕。若但
用苦寒治熱。則格拒不入。必得辛熱爲之嚮導。是
以乾薑半夏在所必需。若痞極鞭滿。暫去人參氣
壅上升。生薑勿用。痞而不鞭。仍用人參。此一方出
入而有三治也。其大黃附子二瀉心。乃治陰陽偏
勝之痞。一以大黃黃連滌胸中素有之濕熱。一加
附子兼溫經中驟脫之虛寒也。用沸湯漬絞者。取
寒藥之性。不經火而力峻也。其附又必煎汁取寒
熱各行其性耳。仲景立方之妙。無出乎此。以大黃

黃連。滌除胸中之邪熱。卽以附子溫散凝結之陰。寒一舉而寒熱交結之邪盡解。詎知後人日觀其方。而心眩也。

按瀉心諸方。人所易曉。惟大黃附子二瀉心。具有妙用。不可不透悟也。大黃黃連瀉心湯。孰不以爲治心下之痞熱也。竊詳傷寒論曰。心下痞。按之濡。其脈關上浮者。大黃黃連瀉心湯主之。成註曰。心下鞭。按之痛。關脈沉者。實熱也。按之濡。其脈關上浮者。虛熱也。大黃黃連以導其虛熱。故不用煎煮。

生薑瀉心湯

六十

甘草

三兩

人參

三兩

乾薑

一兩

半夏

半升洗

黃連

一兩

黃芩

三兩

生薑

四兩

大棗

十二枚

右八味以水一斗煮取六升去滓再煎取三升溫服一升日三服。

方解名生薑瀉心湯者其又重在散水氣之痞也。生薑半夏散脇下之水氣。人參大棗補中州之土。虛乾薑甘草以溫補裡寒。黃芩黃連以瀉痞熱。備乎虛水寒熱之治。胃中不和下利之痞焉有不愈。

者乎。

甘草瀉心湯

九十

方以甘草命名者。取利緩之意也。用甘草大棗之
甘。補中之虛。緩中之急。半夏之辛。降逆止嘔。芩連
之寒。瀉陽陷之痞。熱乾薑之熱。散陰結之痞。寒緩
中降逆。瀉痞除煩。寒熱並用也。

甘草 乾薑 半夏 黃芩 黃連

味藥

右用水二鍾煎至一鍾去滓溫服

桂枝人參湯 卽理中加桂枝

治太陽下之發熱邪乘虛而入裏虛遂快

利心下痞鞭表裏不解

桂枝 甘草 人參 白朮 乾薑

右用米煎去滓溫服

犀角地黃湯

治畜血喜忘如狂大便黑漱水不欲嚥

犀角一錢

生地黄四錢

牡丹皮

芍藥各錢

右用水煎去滓溫服

詳此藥惟胃有實熱吐血者可用至於衄血
絡中遊火亦非所宜但以傷寒衄血則是熱
絡故可借用以泄其暴熱若虛勞久病斷不
屑也

桂枝加芍藥湯

七十

治太陽病下之蚤因而腹痛

桂枝湯加芍藥一倍

右水煎去滓溫服

黃連湯

七十
三

治胸中有熱、胃中有邪氣、腹中痛、欲嘔吐、

黃連

炒

乾薑

炒

桂枝

甘草

各三錢

人參

二錢

半夏

錢一

棗

二枚

右用水煎去滓溫服

傷寒邪氣傳裏而爲下寒上熱也、胃中有邪氣、使
陰陽不交、陰不得升而獨滯於下爲下寒、腹中痛、

陽不得降而獨鬱於上、爲胸中熱、欲嘔吐、故黃連之苦、以泄上熱而降陽、薑桂半夏之辛、以散中寒而升陰、參草大棗可緩中急而益胃、是方也。寒熱並用、猶奇正之相倚耳。此分理陰陽、和解上下之正治也。

四逆散

七十

治少陰咽痛、本治少陰病、四逆爲熱邪自陽經入裏而發厥。

甘草

炙

枳實

水漬
炙乾

柴胡

芍藥

各等分

右爲細末每服三錢米飲調服日三服

此陽邪傳至少陰裏有結熱則陽氣不能交接於四末故四逆而不溫用柴胡所以升陷內之陽邪枳實所以破內滯之結熱甘草和其不調之氣芍藥收其失位之陰是證也雖曰陽邪在裏慎不可下蓋傷寒以陽爲主四逆有陰進之象若復用苦寒之藥下之則陽益虧矣是在所忌論曰諸四逆者不可下此之謂也

按四逆散本治熱邪傳陰

陰經也

之四逆論曰腹中

痛者加附子。清滌中又加附子。人未有不致疑者。
竊詳四逆散腹痛加附子。與附子瀉心湯同義。蓋
傷寒以陽爲主。熱證固當用瀉滌之法。熱證中但
兼虛寒。又不可不急作救療。如附子瀉心湯。心下
痞滿。固當用大黃黃連以導除其熱。若惡寒汗出。
則附子之回陽。又何可緩也。故四逆散熱邪傳至
陰經而四逆。固當用枳實柴胡以清解其熱。若兼
裏虛。遇邪而腹痛。則附子之溫經益陽。又何可緩
也。寒熱各行其性。此仲景製方之妙。况傷寒始病。

熱中末傳寒中者極多四逆雖屬熱證已有陰進之象兼之腹中痛則其加附子也不亦宜乎

甘草湯

七十
五

少陰病二三日咽痛此湯主之

甘草

二錢

右用水煎去滓溫服

桔梗湯

七十
六

服甘草湯不瘥者此湯主之此湯爲陰陽通用

之藥

桔梗

錢二

甘草

錢一

右用水煎去滓溫服

參蘇飲

七十

治感冒風寒、頭痛發熱、咳嗽唾痰、或中脘停痰、增寒發熱狀似傷寒、並宜服之

人參

紫蘇葉

葛根

前胡

陳皮

枳殼

半夏

茯苓

各八分

木香

桔梗

甘草

各五分

生薑

片五

棗

一枚

右用

水

至一鍾、去滓溫服

橘皮竹茹湯七十

治胃虛有熱呃逆

橘皮二錢

竹茹二錢

甘草一錢

人參五分

棗一枚

生薑五片

一方有半夏一錢洗

右用水二鍾煎至一鍾去滓溫服

小青龍湯七十

傷寒表不解心下水氣嘔噦發熱而欬或渴

或利或小便不利小腹滿而喘此方主之

麻黃

桂枝

芍藥

各一錢

甘草

五分

乾薑

細辛

各五分

五味子

十二粒

半夏

一錢

右用水二鍾煎至一鍾去滓溫服

桂枝加厚朴杏仁湯

八十

太陽病誤下微喘脈促者表未解也此方主之

桂枝

三錢

芍藥

三錢

甘草

二錢炙

杏仁

六個去皮尖

厚朴

二錢製

生薑

二錢

大棗

二枚

右用水二鍾煎至一鍾去滓溫服

麻黃杏仁甘草石膏湯

八十

治太陽汗後喘表邪未解

麻黃錢四

杏仁個七

甘草二錢

石膏錢八

右用冰二鍾先煮麻黃減一鍾去上沫內諸藥煎

取八分去滓溫服

葛根黃芩黃連湯八十

太陽病誤下脈促者表未解也喘而汗出者此

八方主之

葛根錢三

黃芩錢二

黃連錢二

甘草二錢

右用冰二鍾煎至一鍾去滓溫服

此方主之為因陽而汗出也即裏熱氣逆所致與

此湯以散表邪除裏熱

五味子湯 八十

治喘而脈伏

人參 二錢 五味子 十五粒 麥門冬 二錢 杏仁 一錢

陳皮 二錢 生薑 七片 大棗 二枚

右用水煎去滓溫服

蘇沉九寶湯 八十

治暴感風寒脈浮無汗而喘

桑白皮 甘草 大腹皮 官桂 麻黃

薄荷 陳皮 紫蘇 杏仁 烏梅 生薑

右用水煎去滓溫服

葛根加半夏湯 八十

治太陽陽明合病下利而嘔

葛根 三錢 麻黃 二錢去節湯泡 桂枝 芍藥

甘草 炙各一分 半夏 二錢洗 生薑 五片 大棗 二枚

右水煎去滓溫服覆取微汗

黃芩加半夏生薑湯 八十

治太陽少陽合病自利而嘔

黃芩三錢 甘草炙二錢 芍藥二錢 半夏二錢

生薑五片 大棗二枚

右水煎去滓溫服

乾薑黃連黃芩人參湯八十

治曾經吐下後因成寒格吐證

乾薑 黃連 黃芩 人參各三兩

右四味以水六升煮取二升去滓分溫再服

成註曰乾薑人參之甘辛以補正氣黃連黃芩之苦寒以通寒格 續論曰仲景之意以本自寒下

醫復吐下治之爲逆故用乾薑以溫裏黃連黃芩
反佐以取之人參補正氣也

按證旣曰本自寒下醫復吐下因成寒格用芩連
者不過反佐以取之不令格拒熱藥耳若四味等
分乾薑人參之辛甘不能敵黃連黃芩之苦寒必
至嘔逆愈甚此必傳寫之訛如薑參各三兩芩連
不過各五錢庶爲近之又按仲景白通加豬膽汁
湯於乾薑附子蔥白中加人尿豬膽汁便可去格
拒之寒未嘗多用苦寒之味又昔賢以白通附子

等湯用涼水浸冷與服。熱藥冷服便可去格拒之寒。亦何嘗過用苦寒耶。

白通湯

八十

少陰下利此方主之

葱白

三錢

附子

三錢

乾薑

一分錢

右用水煎去滓溫服

少陰屬腎、水藏也、得天地閉藏之令、主禁固二便、寒邪居之、則病而失其體矣、故下利、葱白所以通陽氣也、薑附所以散陰寒也、是方也能散陰而通

陽故仰慈白而名曰白通。下利無陽證者。純陰也。象恐陰盛而格絕其陽。最急之兆也。故於四逆湯中。去甘草之緩。而加慈白於薑附之中。以通其陽。而消其陰。故曰白通。

白通加人尿豬膽汁湯

九十

治少陰下利脈微者。與白通湯。利不止。厥逆無脈。乾嘔煩者。此方主之。

慈白

三錢

附子

三錢

乾薑

一錢五分

童便

半合

豬膽汁

三匙

已上三味。以水二鍾。煎取一鍾。去滓。內膽汁人尿。

和令相得溫冷而服

少陰下利脈微。此少陰有真寒也。故與白通湯散陰復陽。若利不止。厥逆無脈乾嘔煩者。乃寒盛格拒乎陽。藥不能達於少陰。而陽逆亂於上故也。薑附非煩者之所宜。必嘔而不納。故加人尿膽汁。俟溫冷而服。取其苦寒與陰相類。可以引薑附入格拒之寒。而調其逆。內經曰。必同其氣。可使平也。正此之謂。入腹之後。冷體既消。熱性便發。病氣隨去。煩嘔皆除。情且不違。而致大益。此奇正相伏之兵。

也。惟明諸知之。其服湯脈暴出者。正氣因發泄而
脫也。故死脈繼續者。陽氣漸復也。故生。

茯苓四逆湯

九寸

治汗下後煩躁不得眠。

茯苓

錢三

人參

附子

乾薑

各一

甘草

七分

右用冰煎法。滓溫服。

梔子鼓湯

九寸

治發汗吐下後。反覆顛倒。心中懊憹。

梔子

四枚

香豉

五錢

右用米二鍾先煎梔子至一鍾內豉同煎至七分去滓溫服得吐止服

梔子湧膈上虛熱香豉散寒熱惡毒能吐能汗爲汗下後虛煩不解之聖藥若嘔則加生薑以滌飲少氣則加甘草以緩中心煩腹脹則去香豉而加枳朴邪在上而不在下也丸藥傷胃則去香豉而加乾薑湧泄而兼安中之意也故欲湧虛煩必先顧慮中氣所以病人素有微溏者有不可吐之戒

茯苓甘草湯

九十

治水氣乘心振寒自汗不渴

茯苓

桂枝

各二錢

甘草

一錢

生薑

五大片

右水煎去滓溫服

汗出不渴邪氣但在表而表虛也與此湯以茯苓甘草之甘益津液而和衛桂枝生薑之辛助陽氣而解表

炙甘草湯

九十

治脈結代心動悸

甘草

二錢

桂枝

一錢五分

人參

一錢

生地黃

三錢

麥門冬

二錢

麻子仁

二錢

阿膠

二錢

生薑

五片

棗

二枚

擘

右用清酒與水各半先煎八味去滓內膠烮消盡
溫服

按脈代心悸蓋由血虛氣衰不能相續也緣其人
汗下不解真陰衰竭津液枯槁滋陰之藥必當倍
於補氣故人參甘草桂枝薑棗補益中氣調和營
衛生地黃麥門冬麻仁阿膠藥味既多分兩亦重
所以潤經益血復脈通心也聖濟經曰津液耗散
爲枯五藏痿弱營衛涸流濕劑所以潤之與水停

心悸之治法迥然不同。

葛根解肌湯

九十

治發熱而渴、不惡寒、併痙瘳。

葛根

二錢

黃芩

芍藥

麻黃

各一錢

甘草

桂

各五分

棗

一枚

右水煎去滓溫服如脈浮再服取汗。

柴胡桂枝湯

九十

治發汗後亡陽譫語以此湯和其營衛以通津

液養自來

金匱要略

柴胡

錢一

桂枝

錢一

甘草

分七

人參

錢一

半夏

芍藥

各七分

黃芩

錢一

生薑

片五

棗

枚二

右水煎去滓溫服

赤石脂禹餘糧湯

九十

自利不止下脫此利在下焦此方主之

赤石脂

禹餘糧

各三錢

右用水一鍾煎八分去滓溫服

按論曰服瀉心湯已復以他藥下之利不止醫以

理中與之利益甚理中者理中焦此利在下焦赤

朝處下焦
方爲治病
之本

石脂禹餘糧湯主之。古聖製方審於高下。如此取
効。自易耳。薛立齋先生醫按云。一人以命門火
衰而下利。令服桂附肉豆蔻補骨脂之類。不信。以
服補中益氣湯而瘳。此正利在下焦。止補中焦而
致敗也。嗚呼。後賢之千方萬論。孰有不出於仲景
哉。

桂枝加附子紅花湯

九十

婦人傷寒表虛自汗身涼四肢拘急脈沉而遲
經水適斷此方主之

桂枝三錢

芍藥

生薑

各一錢五分

甘草

一錢

附子泡

紅花

各六分

右水煎去滓溫服

芍藥甘草湯

九十

芍藥四錢

甘草

四錢

右水煎去滓溫服

成註曰酸以收之甘以緩之甘酸相合用補陰血

按仲景曰作芍藥甘草湯與之其脚即伸謂其不

蹠臥也謂其誤服攻表桂枝湯其厥逆咽乾煩躁

吐逆諸證俱得小瘥也。不過以藥劑外謬病證錯雜取酸收甘緩之意耳。後人借之以治腹痛等證。惟攻補不効者用之爲宜。亦是緩急之意。續論乃以爲血虛挾熱之神方。得非溢譽乎。

導赤散

九十

治心火上炎逼肺致令神昏而脈浮

木通

生地黃

各二錢

甘草

七分

燈心草

一團

右水煎食遠服一方加茯苓麥冬車前子人參

導赤瀉心湯

一百

治熱傳手少陰、神昏、

黃連

酒洗

黃芩

酒洗

山梔

薑汁拌炒黑

滑石

碎

知母

鹽酒拌

犀角

鎊

甘草

生

人參

麥冬

去心

茯苓

各一錢

生薑

三片

大棗

三枚去核

燈心草

十葉

右水煎去滓熱服

知母麻黃湯

一百一

治傷寒差後

又云傷寒後不差

或十數日、或半月、二十

日終不惺惺、常昏沉似失精神、言語錯謬、醫

或作鬼祟、或作風疾、多般治不差、或無寒熱

或寒熱似瘧、都是發汗不盡、餘毒在心胞絡、
間所致也、宜服知母麻黃湯、溫覆令微汗、若
心煩不眠、欲飲水、當稍稍與之、令胃中和、卽
愈、未汗再服、以汗爲度、

知母一錢半 麻黃去節 甘草炙 芍藥 黃芩各七分

桂枝去皮七分盛 暑中減半

右水煎、去滓溫服、

按此方亦甚有理、須是不曾大發汗、及病以來身
無汗者、尤爲相宜、詳證再加酒炒黃連更好、

大建中湯

治中氣不足、無根失守之火、出於肌表而成斑疹、並治中氣虛乏、或身熱踈臥、或下利汗出、

人參 黃耆炙 當歸 芍藥酒炒 甘草炙

桂心 半夏製 附子製

右水煎去滓溫服

此是汗吐下後之證。中氣虛乏。則餘邪無所歸附。隱隱然見於肌表。其色淡紅而不甚顯。爲辯也。人參黃耆所以補中。半夏甘草所以調中。此皆健脾

藥也。復有當歸芍藥之活血則外溢之斑流而不
滯。消桂心附子之溫中則失位之火引而歸原。此
中營之機一端而失伍之師各就其列也。是方也
以桂附參者而治斑法之變者也。降而未至於可
以權則不足語此。

桂枝白朮散

一百

治陰虛自汗脈沉細手足搖擗

桂枝

一分

白朮

二錢

附子

二錢

川芎

一分

大棗

二枚

右藥煎服

上方加羌活防風

各一錢
人參五分

附子防風湯

一百四

治陰痿閉目合面手足冷筋脈拘急汗出不止

白朮

錢一

防風

錢二

甘草

分五

桂枝

錢一

附子

錢一

乾薑

錢一

柴胡

分五

茯苓

分五

五味子

粒十二

生薑

片三

右水煎去滓溫服

難知防風當歸散

一百五

治汗多亡血發瘕

防風

錢一

當歸

錢三

川芎

錢二

生地黃

錢二

白芍藥

錢二

炒

錢

甘草七分 羌活錢一 人參錢二

右水煎去滓溫服

黃芩芍藥湯六
一百

治脈浮大發熱下利鼻衄乾嘔

黃芩湯去大棗

右水煎去滓服

代抵當湯丸七
一百

治畜血

大黃四兩 芒硝一兩

桃仁六十粒 肉桂三錢至五錢

生地黃

當歸尾

酒洗

穿山甲

蛤粉炒
各一兩

右爲極細末、煉蜜爲丸、畜血在上焦、丸如芥子大、
臨服去枕仰臥、以津嚥之、令停喉下、搜逐膈上之
瘀、中焦食遠下焦空心、俱桐子大、以百勞水煎湯
下之、如老血成積、此藥攻之不動、去歸地加醋製
廣茂一兩、倍肉桂或煮湯合滓服之尤効、

按代抵當丸方出準繩、亦曾製用於中、又有加減
蓋瘀畜之血、攻之爲難、仲景直用水蛭蠱蟲有毒
之藥、惟恐藥不峻利、亦何待攻之不動而後加減、

乎。且。生。地。黃。用。之。無。理。當。歸。尾。必。不。可。減。故。於。本。
方。減。去。生。地。黃。一。味。肉。桂。用。一。兩。再。加。廣。茂。一。兩。
紅。花。七。錢。用。之。頗。覺。有。効。

失笑散 一百八

治畜血腹痛

五靈脂 水淘去沙 真蒲黃 炒各等分

右爲末、每服二錢、酒煎溫服、或酸湯煎服、

豬苓湯 一百九

治嘔而渴、心煩不得眠、熱在下焦、小便不利、

豬苓

茯苓

澤瀉

滑石

阿膠

各一錢五分

右用水二鍾煎四味至一鍾去滓內阿膠烱消溫服

四味皆滲利。則又有下多亡陰之懼。故用阿膠佐之以存津液於決瀆爾。

茵陳蒿湯一百一十

頭汗出渴飲水漿小便不利必發黃也此方主之

茵陳蒿

錢三

大黃

錢二

梔子

枚三

右用水二鍾、先煎茵陳至半、內二味、煎八分、去滓溫服。

茯苓桂枝甘草大棗湯

十一百

太陽病汗後、小便自利、飲水多、心下悸、欲發奔

豚、此方主之。

茯苓

錢二

甘草

分七

桂枝

錢一

大棗

枚三

右用甘瀾水二鍾、煎至一鍾、去滓溫服。

汗後則心液虛、腎者水藏、欲乘心火之虛、作奔豚、
諸止發熱心也、茯苓之甘淡、可以益土而伐腎邪、

桂枝辛熱、可以益火而平腎氣、甘草大棗之甘、可
以益脾、益脾所以制腎也、煎以甘瀾水者、揚之無
力、取其不助腎氣爾、

甘草乾薑湯

一百一十二

治少陰小便色白、吐逆而渴、動氣下之反劇、身
雖有熱、反欲蹇臥、

甘草

錢二

乾薑

錢一

右用水一鍾半、煎八分、去滓服、

此卽四逆湯去附子也、辛甘合用、專復胸中之陽、

氣其夾食夾陰面赤足冷發熱喘欬腹痛便滑外
內合邪難於發散或寒冷傷胃不便參朮者並宜
服之其得虛挾寒之聖劑也

麻黃連軀赤小豆湯

一百一十三

治傷寒發熱在裏身目發黃

麻黃

連軀

即連軀根

生薑

甘草

炙各二錢

大棗

十二枚

杏仁

五粒泡去皮尖

生梓白皮

錢一

赤小豆

三錢

右用水煎去滓溫服

白虎湯

治斑出熱甚、脈洪數、舌燥、口乾、煩渴、譫語、氣喘、

表裏俱熱、日晡潮熱、

人參二錢、石膏五錢、知母二錢、甘草一錢、粳米半合

右用水煎、去滓溫服、

黃連犀角湯一百十五

治狐惑、咽乾聲啞、

黃連一錢五、犀角生者鎊二錢、木香三分、烏梅三個

右用水煎、去滓溫服、

雄黃散一百十六

治狐惑蟲食藏

雄黃

桃仁

苦參

青箱子

黃連

各等分

右爲末、艾汁爲丸、如小指尖大、綿裹內下部中、

十棗湯

一百十七

治心下痞、鞭脇痛、乾嘔、短氣、汗出不惡寒、

芫花

熬

甘遂

大戟

大棗

十枚

右三味等分爲末、以水二鍾、先煮大棗十枚、取

一鍾、去滓、內藥末、強人服一錢、弱人服半錢、平旦

溫服、若下少、病不除、明日再服、加半錢、利後糜粥

調養

此湯與陷胸相倣、傷寒種種下法、咸爲胃實而設、
今證在胸脇而不在胃、則蕩滌腸胃之藥、無所取
矣、故用芫花之辛以逐飲、甘遂大戟之苦以泄水、
並賴大棗之甘以運脾、助諸藥祛水飲於胸脇之
間、乃下劑中之變法也、

黃龍湯

一百十八

治失下、循衣撮空、虛極、熱盛、不下必死者、

大黃

三錢
鹽汁拌

芒硝

二錢
夏茯苓

厚朴

一錢
五分

枳實

錢一

甘草

換

桃仁泥

人參

較大黃

當歸

錢二

生薑

片五

大棗

枚一

右用水煎服

虛人積結於內攻之不行乃腸胃枯竭之故故節
菴○加○人○參○當○歸○於○承○氣○湯○中○助○其○氣○血○以○建○背○城○
之○功○即○如○參○蘇○飲○中○用○人○參○佐○表○藥○之○義○

生地黃黃連湯

一百十九

治亡血燥熱循衣撮空閉目不省人事

生地黃

酒浸

當歸

川芎

各二錢

白芍

酒洗

黃連

酒蒸

黃芩

炒酒

山梔

薑汁炒焦黑各八分

防風

三錢酒潤

右用水煎徐徐服

烏梅丸

一百二十

治吐衄

烏梅

三百個

黃連

一觔

黃檗

六兩

乾薑

十兩

附子

六枚泡

蜀椒

四兩去汗

桂枝

六兩

細辛

六兩

人參

六兩

當歸

四兩

十味各搗末以苦酒漬烏梅一宿去核蒸之五升

米下飯熟搗成泥和藥合却得內日中與蜜杵二

千下丸如桐子大先食飲服十九日三服稍加至

二十九禁生冷滑物臭食等

烏梅丸主胃氣虛而寒熱錯雜之邪、積於胸中、所以虵不安而時時上攻、故仍用寒熱錯雜之味治之、方中烏梅之酸以開胃、蜀椒之辛以泄滯、連櫟之苦以降氣、蓋虵聞酸則定、見辛則伏、遇苦則下也、其他參歸以補中氣之虛、寒薑附以溫胸中之寒、飲若無飲、則不嘔逆、虵亦不上矣、辛桂以祛陷內之熱邪、若無熱邪、雖有寒飲、亦不致於嘔逆、若不嘔逆、則胃氣總虛、亦不致於虵厥矣、

按吐衄一證仲景方寒熱並用在昔賢有以爲寒者有以爲熱者有以爲寒熱錯雜者大約傷寒至於吐衄屬虛寒者爲多必須斷之以脈參之兼證庶幾無誤治也

百合地黃湯

十一百二

治百合病不經吐下發汗病形如初者

百合

七個

擘破以泉水浸一宿洗去白沫別以水

二鍾煎一鍾又用生地黃

二兩

泉水二鍾煎一鍾和

勻服大便當如瀉腹痛勿更服

麥門冬湯廿二

治勞復發熱起死人方

麥門冬去心 甘草一錢 棗枚 青竹葉十四片 粳米

人參三錢

右用水二鍾煎至六七分去粗溫服如不能服以綿蘸藥滴入口中

傷寒辨證卷四終

富張劉光